

SIPA I MUP U GORNJOJ MAOČI ZBOG OBILJEŽJA ISLAMSK

Kuća na kojoj su istaknuta obilježja IS

ISTICANJE ZASTAVA IS KRIVIČNO DJELO

Zastave grafit



Bez otpora: Specijalci i policajci, koji su išli u ozloglašeno selo, nisu nailazili na otpor mještana niti su koga uhapsili

Dragan SLADOJEVIĆ, Nihada HASIĆ

SREBRENİK - Policajci su juče "pročestljali" selo Gornja Maoča, vehabijsko gnijezdo kod Srebrenika, u potrazi za zastavama Islamske države (IS), koje su se dan ranije vijorile na kućama, ali nisu pronašli sporna obilježja, koja su zgrozila i uznemirila bh. javnost, ali i region.

"Policajci Državne agencije za istrage i zaštitu (SIPA), zajedno sa policajcima Federalnog MUP-a i MUP-a TK, u koordinaciji sa Tužilaštvom BiH, izašli su na lice mjesta radi utvrđivanja svih potrebnih činjenica na terenu, ali nisu zatečene istaknute zastave Islamske države. O rezultatima izvršenih provjera oba-

viješteno je Tužilaštvo BiH", navode iz SIPA.

Grafiti, koji su takođe fotografisani blizu zastava, mještani su prekrećili, na način da je, umjesto natpisa "Devletul Islam - Bakija", što u bukvalnom prevodu znači "Islamska država će opstati", ostalo napisano samo "Bagra", što je preoblikovano od riječi "Bakija".

Izvori bliski istrazi ispričali su "Nezavisnim" da policajci, zajedno sa specijalcima, koji su išli u ozloglašeno selo, nisu nikoga uhapsili, niti su nailazili na otpor od strane mještana, koji su pojedinim novinarima otvorili dušu, dok su drugima, pak, pokazali izlaz iz sela.

NAPUŠTENA KUĆA: Kratko je Edis Bosnić, pripadnik vehabijske zajednice, kazao da oni "žive normalan i miran život" i da zastave IS u tom selu nisu djelo te zajednice. On još tvrdi da su im dolazila dvojica ljudi sa strane koji su na napuštenu kuću postavili sporne zastave.

"Dva čovjeka koji su sumnjivog ponašanja i koji ne žive ovdje s nama su istakli te zastave koje koriste ljudi na koje islamski učenjaci imaju prigovora", kazao je Bosnić.

A te zastave su i te kako uz-

burkale duhove. Srdan Radulj, zamjenik ministra pravde BiH, smatra da je isticanje zastave IS na teritoriji BH čin koji ugrožava bezbjednost bh. građana veličanjem terorističke organizacije, koja čini gnusne zločine nad ne-

dužnim civilima.

"Čin isticanja te zastave može se okarakterisati kao krivično djelo iz grupe krivičnih djela protiv integriteta BiH, propisanih Krivičnim zakonom BiH. No, svakako je na nadležnim pravno-



Mještani tvrde da su zastave postavila "dvojica ljudi sa strane"

Danonoćno pod policijskom lupom

- Gornja Maoča smatra se utočištem radikalnih islamskih grupa. To selo su poslijerata naselili ratnici iz islamskih zemalja - mudžahedini.
- Na samom ulazu u selo danonoćno bdi policijska patrola, koja legitimise stanovnike.
- Stanovnici Gornje Maoče su neprestano pod istragom policijskih i obavještajnih agencija zbog sumnje da su povezani s terorizmom.
- Prema podacima bezbjednosnih agencija, više od 150 mještana Gornje Maoče ratuje u Siriji i Iraku, gdje djeluje i Islamska država.
- U Gornjoj Maoči sada živi tridesetak vehabijskih porodica, koje su praktično potpuno odsječene od svijeta.

JE DRŽAVE KOJA SU UZNEMIRILA JAVNOST

e IS nestale, i prekrečeni



Policija nije pronašla zastave Islamske države koje su se dan ranije vijorile na kući

Duge brade, obrijane glave

●●● Jedan holandski novinar prije nekoliko dana bio je u Gornjoj Maoči, nakon čega je zabilježio da muškarci u tom selu imaju duge brade i obrijane glave, dok žene nose nikabe i tijelo im je u potpunosti prekriveno.

"Trgovina i kafica nema, samo džamije. Sa nekoliko balkona vijore se zastave. U BiH danas ima šest sela u kojima vlada šerijatski zakon. Nastala su krajem 1995. godine, kada je dio arapskih muslimanskih boraca odlučio ostatu u BiH, a ne vratiti se u domovinu. Nastanili su se u zabačenim selima koja su Srbi napustili", naveo je on.

sudnim institucijama BiH da cijene da li je u konkretnom slučaju počinjeno krivično djelo ili neki drugi delikt, koji je sankcionisan zakonodavstvom BiH", izjavio je Radulj za "Nezavisne".

Svaki jučerašnji detalj koji je "curio" iz Gornje Maoče zainteresovano su pratili i portali u Srbiji i Hrvatskoj, a Ana Trišić-Babić, zamjenik ministra inostranih poslova BiH, istakla je da se stiče utisak da sve države u našem susjedstvu mnogo ozbiljnije gledaju na ovu situaciju nego mi sami.

"Problem Gornje Maoče nije od juče i situacija u BiH je sve ozbiljnija, za šta imamo mnogo primjera. Gornja Maoča nije samo u BiH, već tu imamo regionalni problem, jer, na primjer, i Srbija, Makedonija i Albanija već imaju evidentirane brojke o svojim državljanima koji su se pridružili IS. U tom smislu treba napraviti zajedničku regionalnu koordinaciju", kaže ona.

ZATVARAJU OČI: Željka Cvijanović, premijerka RS, upitala je zašto oni koji bi o tome trebalo da povedu računa zatvaraju oči pred bezbjednosnim problemima s kojim živimo u BiH.

"Mi u RS ozbiljno smo zabrinuti i s pravom pitamo dokle je ova zemlja spremna da toleri-

še ili, u nekim slučajevima, podstiče radikalizam", naglasila je Cvijanovićeve.

Dragan Lukač, ministar unutrašnjih poslova RS, očekuje da SIPA izvrši hapšenja, pronade i procesuiru odgovorne te takve ljude stavi pod potpunu kontrolu. On kaže da u BiH postoje poje-



Bosnić tvrdi da oni žive normalan i miran život



VEHABUE

Bosnić kazao da zastave IS u tom selu nisu djelo vehabijske zajednice

dinci i organizovane radikalne grupe koje imaju čak i svoje baze, od kojih je jedna i Gornja Maoča.

Nedeljko Čubrilović, predsjednik Narodne skupštine RS, smatra da isticanje zastave IS u Gornjoj Maoči pokazuje kakva je BiH.

"Trebaju li nam ili ne trebaju zakoni da sankcionišu takve pojave, građani neka odluče", rekao je Čubrilović.

OZBILJNO UPOZORENJE:

Milimir Savčić, predsjednik Borračke organizacije RS, ocijenio je da isticanje zastave i obilježja IS u Gornjoj Maoči predstavlja ozbiljno upozorenje RS.

On je dodao da isticanje zastave jedne apsolutno terorističke organizacije i kvazidržave shvata kao nagovještaje onoga što se u BiH dešavalo početkom devedesetih godina prošlog vijeka, jer su i tada, kako navodi, "vezivane zastave".

Nedeljko Mitrović, predsjednik Organizacije porodica zarobljenih, poginulih boraca i nestalih civila RS, smatra da isticanje zastave i drugih obilježja IS u Gornjoj Maoči potvrđuje da politika iz rata nije završena, već samo nastavljena u drugom obliku i novim oružjem.

Borislav Bojić, poslanik SDS-a u Predstavničkom domu parlamenta BiH, rekao je da nije iznenađen informacijom koja je stigla iz Gornje Maoče, ističući da borba protiv terorizma u BiH treba da bude organizovana.

Iz PDP-a su saopštili da najstroje osuđuju isticanje zastava IS, jer se radi o jednoj od najbuntalnijih i najzvjerskijih terorističkih organizacija.

"Ovaj incident pokazuje da ova teroristička organizacija ima svoje pristalice u BiH", naveli su iz PDP-a.

Inače, slučajno ili ne, zastave koje su mnoge uznemirile, zavijorile su se nekoliko dana pred početak suđenja vehabiji Huseinu Bosniću, zvanom Bilal, koji je često boravio u Gornjoj Maoči i koji je nakon odlaska Nusreta Imamovića u Siriju preuzeo funkciju vehabijskog pokreta u BiH.